

Haqiiqaa (Dhugaa) Jireenya Addunyaa-Kutaa 3

Description

4-Dhaadannoo (At-Tafaakhur)-dhaadannoo jechuun namni amaloota isaa faarfamaa dhugaadhaan ykn sobaan odeessuudha. Namoonni yeroo, dhalootaa fi aadaa isaanii keessatti amaloota faarfamoon ni dhaadatu. Amaloota itti dhaadatan keessaa soba kan hin taanetu jira. Kunniin amaloota sammuu ykn shari'aa dhugaadhaan faarfamoo ta'aniidha. Faallaa kana wanta ittiin dhaadatan irraa soba kan ta'ee jira. kuni amaloota jibbamoo fi badaa namoonni ofii uumaniidha. Kan akka haqa malee nafsee ajjeessun dhaadachuu, qabeenya namootatti duulun dhaadachuu fi kkf.[1]

Namoonni qabeenyaan ykn beekumsaan of dhaadachuun jireenyaa addunyaa keessatti wal dorgomu. Kunis namoota keessatti olaantummaa argachuu fi beekkamaa ta'uufi. Namoota irraa baay'een isaanii meeshaa addunyaatin namoota biroo irratti of dhaadachuuf nafsee ofii garmalee rakkisu. Namoonni biroos akkuma isaanii of dhaadachuuf isaaniin morkatu. Kanarraa kan ka'ame nafsee ofii garmalee rakkisu.

Isaan keessaa namni tokko namoota keessatti bakka dhaadannoon hin jirretti qarshii takka akka sadaqaatti kennuu irraa ni doyyooma. Tarii qarshii takka kennuun Rabbiin biratti mindaan (ajriin) guddaan isaaf jira ta'a. Garuu namni kuni namoota keessatti bakka of dhaadannoon jiruutti qarshii kumaatamatti ykn kuma dhibbaatti lakkaawamu ni baasa. Sababa kanaan, gabroota Rabbii irratti of tuulun ykn namoota biratti akka guddaatti ilaallamuun isatti dhagahama.

Tarii namoonni gariin sadarkaan dhaadannoo nafsee ofiitiif yaadan akka hin kufneef of ajjeesu. Dhaadannoon wal waanyu (hinaafu) fi sharrii baay'ee dachii keessatti fida. Lolli jaahiliyyah (yeroo wallaalummaa) baay'een adeemsifame sababni guddaan dhaadannoodha.

Yeroo lola Badr Qureeshonni gaalonni daldalaa fi qabeenya isaanii Muslimoota jalaa nagaha akka bahan beekte jirti. Garuu Araboota keessatti of tuulu fi of dhaadannoon isaan qaban humnaa fi sadarkaa isaanii Arabootaaf osoo hin agarsiisin lola irraa akka deebi'an hin hayyamneef. Isaan keessaa tokko ni jedhe: Rabbiin kakadhe! Hanga Badriin qubannee guyyaa sadii turrutti malee hin deebinu. Guyyaa kana keessatti gaala ni qalla, nyaata ni nyaanna, faarso ni dhugna, dubartiin sirbitu nuuf weeddisti, Araboonni waa'ee keenya ni dhagahu, adeemsaa fi walitti qabamuu keenyaaf nu sodaachu itti fufu. Akka kanatti dhiibbaa of dhaadannootiin gara fuunduraatti dhiibaman. Rabbiin subhaanahu warra amanan akka isaanii ta'uu irraa ni akeekachiise. Akkana jedhe:

وَلَا تَكُونُوا كَالَّذِينَ خَرَجُوا مِنْ دِيَارِهِمْ بَطَرًا وَرِئَاءَ النَّاسِ
وَيَصُدُّونَ عَنْ سَبِيلِ اللَّهِ وَاللَّهُ بِمَا يَعْمَلُونَ مُحِيطٌ



â€œAkka warroota boonaa fi namootatti of agarsiisaa manneen isaanii keessaa bahanii fi karaa Rabbii irraas [namoota] dhoorgan hin taâ€™inaa. Rabbiin waan isaan dalagan marsaadha.â€• Suuratu Al-Anfaal 8:47

Mushrikoonni boonaa, of tuulaa, namoonni sadarkaa fi humna isaanii akka arganiif, dhaadannoo fi of ol guddisaa manneen isaanii keessaa gara dirree waraanaa Badri bahan.

Rabbiin subhaanahu wa taâ€™aala warra boonanii fi of dhaadatan iddoo kheeyri keessatti doyyâ€™oota akka taâ€™anii fi namoota doyyâ€™ummaatti akka ajajan ni ibse. Garuu iddoo of dhaadannoo yoo taâ€™e namoonni isaan haa arganiif qabeenya isaanii ni dhangalaasu. Akka isaan nafsee isaanii keessatti ol isaan guddisaniif qabeenya dhangalaasu. Akka fakkeenyaatti, cidha hawaasa keenya keessatti adeemsifamu haa ilaallu. Namni tokko affeerraa cidhaa qopheessuuf qarshii kumaatamatti lakkaawamu gadi jiigsa. Garuu sadaqaa qarshii takka kennuun garmalee isatti ulfaata. Sababni cidha irratti maallaqa guddaa baasuf of dhaadachuu fi â€œEebalu intala isaa cidha (sargii) guddaan heerumsiise.â€• akka jedhamuufi.

Rabbiin subhaanahu wa taâ€™aala ni jedha:

لَا يُحِبُّ مَنْ كَانَ مُخْتَالًا فَخُورًا ۝ الَّذِينَ يَبْخُلُونَ وَيَأْمُرُونَ
النَّاسَ بِالْبُخْلِ وَيَكْتُمُونَ مَا آتَاهُمُ اللَّهُ مِنْ فَضْلِهِ ۖ وَأَعْتَدْنَا لِلْكَافِرِينَ
أَبَآءَ مُهِنًا ۝ وَالَّذِينَ يُنْفِقُونَ أَمْوَالَهُمْ رِئَاءَ النَّاسِ وَلَا يُؤْمِنُونَ بِاللَّهِ
بِالْيَوْمِ الْآخِرِ ۖ وَمَنْ يَكُنِ الشَّيْطَانُ لَهُ وَرِينًا فَسَاءَ قَرِينًا ۝

â€œDhugumatti, Rabbiin nama of jajaa, dhaadataa taâ€™ee hin jaallatu. Isaan warra doyyâ€™ooman, namootas doyyâ€™ummatti ajajanii fi wanta Rabbiin tola Isaa irraa isaaniif kenne dhoksaniidha. Kaafirotaaf adabbii salphisaa qopheessinee jirra. Ammas isaan namootatti agarsiifachuuf qabeenya isaanii baasu, Rabbii fi Guyyaa Aakhiratti hin amanani. Nama sheyxaanni hiriyyaa taâ€™eef, hiriyyummaa waa fokkate.â€• Suuratu An-Nisaa 4:36-38

Dhaadannoo sheyxaanaa isaan keessaa jiruun amalli isaanii kan wal faallessuudha. Iddoo kheeyri fi Rabbiin gammachisu keessatti mataa ofiiti doyyâ€™oota, namoota biroos gara doyyâ€™ummaatti waamu. Dirree dhaadannoo fi namootatti agarsiifachuu keessatti immoo qabeenya isaanii ni dhangalaasu.

Osoo Rabbii fi Guyyaa Aakhiratti amananii ergasii kabaja Aakhiraatii fi mindaa guddaa argachuuf karaa Rabbii keessatti qabeenya arjoomanii maaltu isaan miidhaa? Isaan kana waliin kabaja addunyaa, mindaa ishii fi bakka buâ€™aa wanta karaa Rabbii keessatti baasanii hin dhaban. Kanaafi, Rabbiin aayah armaan


olitti aansun akkana jedha:

﴿وَمَاذَا عَلَيْهِمْ لَوْ ءَامَنُوا بِاللّٰهِ وَالْيَوْمِ الْآخِرِ وَأَنفَقُوا مِمَّا رَزَقَهُمُ اللّٰهُ
وَكَانَ اللّٰهُ بِهِمْ عَلِيمًا ۝٣٩ إِنَّ اللّٰهَ لَا يَظْلِمُ مِثْقَالَ ذَرَّةٍ وَإِن تَكُ حَسَنَةً
يُّضَعِفْهَا وَيُؤْتِ مِنْ لَّدُنْهُ أَجْرًا عَظِيمًا ۝٤٠﴾

âœOsoo Rabbii fi Guyyaa Aakhiratti amananii wanta Rabbiin isaaniif kenne irraa arjoomanii maaltu isaan irra jiraa? Rabbiin waaâ€™ee isaanii Beekaa taâ€™eera. Dhugumatti, Rabbiin hanga madaala atamii nama hin miidhu. Dalagaa gaarii yoo taate, dachaa ishii taasisa; mindaa guddaa Isa biraa taâ€™es ni kenna.â€• Suuratu An-Nisaa 4:39-40

Addunyaa barbaadun dhaadannoo (of faarsu) jaallachuun hojii gaarii kan balleessudha. Of dhaadachuun kanarraa gara Rabbiin faallessuutti kan nama oofutu jira. kuni immoo haraama. Ammas, jibbama kan taâ€™e jira. Gara biraatin hayyamamaa kan taâ€™e jira. fakkeenyaaf yeroo waraanaa diinatti sodaa naquuf dhaadachu. Kuni hayyamamaadha.

5-Baayâ€™ifachuun-aayan suuratu Al-Hadiid qabeenya fi ijoollee baayâ€™ifachuun dubbatti. Deeggartoota, gargaartootaa fi loltoota baayâ€™ifachuun fi faaya addunyaa irraa wanti baayâ€™ifatan hundi itti dabalama. Jecha Rabbii oltaâ€™aa kana keessatti baayâ€™ifachuun osoo homaanu walitti hin hidhamin dhufe:



âœBaayâ€™ifachuun isin jaataneesse (koâ€™oomse).â€• Suuratu At-Takaasur 102:1

Wanti baayâ€™ifachuutti nama dhiiban buâ€™uura lamatti deebiâ€™u:

Buâ€™uura 1ffaa-dharraa abdiin walitti hidhame-dharraan wanta tokko akka qabaatanii fi wanti suni isa qofaaf akka taâ€™uu nama taasisa. Kuni of jaallachuun qajeelchaa fi aqlii fedhii lubbuu lugaamu hin qabne irraa burqa. Hadiisa keessatti akkana jechuun dhufe:

âœIlmi Adam osoo sulula warqiin guuttame tokko isaaf kennamee, [sulula] lammaffaa [warqiin guuttame] ni barbaada ture. Osoo lammaffaanis isaaf kenname sadaffaas ni barbaadaa ture. Biyyee malee garaa ilma Adam kan guutu hin jiru. Rabbiin nama tawbate irraa tawbaa ni qeebala.â€• [Sahiih Al-Bukhaari 6438](#)

Buâ€™uura 2ffaaâ€™“nafseen namoota biroo irratti olâ€™aantummaa argachuuf kajeelu-kajeelun kuni dhaadannoo fi wanta namoonni ittiin of dhaadatan qorachuun kan walitti hidhameedha. Kunis of jaallachu qajeelcha fi aqlii fedhii lugaamu hin qabne irraa burqa.

Dhugumatti, ilaalcha gabaabaa, Aakhiratti amanuu diduu ykn dagachuu, fedhii lubbuu hordofuu waliin of jaallachuun daangaa darbe hundee dhibeeti.

Qorichi kanaa: Rabbii fi Guyyaa Aakhiratti amanuu, akkasumas, Jannata keessatti sadarkaalee olâ€™™aanooitti yaaduu fi faaya addunyaa akka xiqqaatti ilaalu keessa jira. Namni akkuma qananii turaa Jannata keessa jiru itti yaadun faayni addunyaa fi wanti namoonni ittiin of jajanii fi dhaadatan homaa isatti hin fakkaatu. Jannani samii keessatti olâ€™™aantu waan taatef, jireenyi addunyaa immoo dachii keessatti gadi aantu waan taatef, namni yaada olâ€™™aanaa (himmaa) qabu gara olii malee gara gadi hin ilaalu. Jannata olii qananiin guuttamtetti yaadu fi jireenya gadi aantu tana immoo akka xiqqootti ilaalun sadarkaa olâ€™™aanaa san gahuuf carraaqa. Haala kanaan dhukkubni of jaallachu, of dhaadachu, namoota irratti of tuuluu fi olâ€™™aantummaa barbaadu isa keessaa baha.

Namni jireenya addunyaa sirritti yoo ilaale, wanta ittiin of dhaadatanii fi of gowwomsaniin akka hin taane ni arga. Jalqaba akka biqilaa magariisaa nama hawwisiisti. Garuu osoo homaa hin turin magariisni ni daalachaâ€™™aa. Jireenyi addunyaa tunis osoo homaa hin turin haalli ishii jijjiramuun nama jibbisiisti. Kanaafi, Rabbiin subhaanahu wa taâ€™™aalaa addunyaan gowwomu irraa ni akeekachiise:

يَا أَيُّهَا النَّاسُ إِنَّ وَعْدَ اللَّهِ حَقٌّ فَلَا تَغُرَّنَّكُمُ الْحَيَاةُ الدُّنْيَا وَلَا يَغُرَّنَّكُمُ
بِاللَّهِ الْغُرُورُ

â€™œYaa namoota! Dhugumatti waadaan Rabbii dhugaadha. Kanaafu, jireenyi addunyaa akka isin hin gowwomsine. Gowwomsaan (sheyxaanni) waaâ€™™ee Rabbii akka isin hin gowwomsine.â€™œ
Suuratu Faaxir 35:5

Rabbiin subhaanahu wa taâ€™™aalaa gandi Aakhirah ganda jireenya dhugaa â€™œhayawaanâ€™œ jedhamuun ishiif malu akka taate warroota amananiif ni ibse. Al-Hayawaan jechuun jireenya dhugaa fi guddoo yeroo hundaa turtuudha. Ni jedha:

وَمَا هَذِهِ الْحَيَاةُ الدُّنْيَا إِلَّا لَهُوٌّ وَلَعِبٌ وَإِنَّ الدَّارَ الْآخِرَةَ لَهِيَ
الْحَيَوَانُ لَوْ كَانُوا يَعْلَمُونَ

â€™œJireenyi addunyaa tuni bashannanaa fi tapha malee homaayyu miti. Dhugumatti, Gandi Aakhirah ishimatu Jireenya Dhugaati, osoo kan beekan taâ€™™anii!â€™œ Suuratu Al-Ankabuut 29:64

Jireenyi addunyaa tanaa maalidhaa bashannanaa fi tapha malee. Sababa faaya fi miâ€™™aan keessa jruun qalbiin itti bashannanti, qaamni ni taphata. Ergasii faayni fi miâ€™™aan addunyaa tanaa yoosu bada. Dhugumatti gandi Aakhirah jireenya dhugaa itti fuftu taatee fi duuti keessa hin jirreedha. Osoo namoonni

kana beekanii silaa ganda hafuu fi turaa dhiisanii ganda baduu hin filatanu turan.[2]

Ibsi biraa: Aakhirah waliin yommuu wal bira qabamu, miâ€™aa jireenya addunyaa argachuuf humni fi annisaan baasan gammachu Aakhirah tura taâ€™me argachuuf hojjachuu irraa bashannana nama koâ€™oomsu malee homaayyu miti. Yookiin tapha faaydan keessa hin jirreedha. Yookiin faayda guddaa fi yeroo hundaa turaan wal bira yommuu qabamu, faaydan baayâ€™ee xiqqoon kan keessa jiruudha. [3]

Akkuma kutaa darbe keessatti jenne, jireenya addunyaa jireenya Aakhiratin yoo wal hin qabsiisin, jireenyi addunyaa bashannanaa fi tapha malee homaayyu miti. Namni wanta tokko hanga taphate taphatee ergasii dhiisee biraa deema. Taphni kuni itti fufiinsa hin qabu. Haaluma kanaan, namni Aakhiratti hin amanne, jireenya addunyaa keessa hanga jiraate jiraatee ergasii addunyaa gadi-lakkisee duâ€™a. Aakhiratti waan hin amanneef wanti inni jireenya addunyaa keessatti hojjate itti fufiinsa hin qabu. Aakhiratti faayda isaaf hin buusu. Kanaafu, jireenyi isa tapha jechuudha. Namni Aakhiratti amane immoo addunyaa keessatti wanta gammachu Aakhiraa isaaf argamsiisu hojjata. Kanaafu, buâ€™aan hojii isaa itti fufiinsa waan qabuuf tapha hin taâ€™u.

Jireenya addunyaa booda Aakhiraa ni dhufti. Haala namootaa irratti hundaaâ€™e Aakhirah keessatti namoonni gosa sadii ni jiru:

1. Kaafirootaaf azaaba (adabbii) cimaa
2. Warroota amanan irraa warra badii hojjatanii araaramni isaaniif maluuf araaramu
3. Warri amananii fi hojii gaggaarii hojjatan jaalala Rabbiin irraa taâ€™ee argachuu

Dhumarratti Rabbiin murtii dhumaa jireenya addunyaa irratti kenna: **â€œJireenyi addunyaa mataaâ€™a [nama] gowwoomsitu malee waan biraati miti.â€•** (Mataaâ€™a jechuun wanta yeroo murtaaâ€™ef itti fayyadamanii ergasii baduudha. Kan akka meeshaa, nyaata, dhugaati, uffata, qabeenya fi kkf.)

Ergasii warroota amanan qananii Jannataa balâ€™inni ishii akka samii fi dachii taâ€™ee argachuuf hojii gaariin akka wal dorgoman isaan waama.

Guduunfaa

â€œOf dhaadannoon â€œof faarsu, na beekaa, na argaa, na dhagayaa, sadarkaa kiyya beekun na kabaja, na ol guddisaaâ€• jedhu of keessaa qaba.

â€œNamoonni qabeenyaan of dhaadachuuf sadaqaa kennu irraa doyyâ€™oomu. Garuu iddoo dhaadannoon jiruutti qabeenya gadi dhangalaasu. Kan kanatti isaan kakaasu, namoota keessatti sadarkaa fi kabaja argachuufi.

â€œWanta addunyaa keessa jiru barbaaduu irraa kan kaâ€™e of-dhaadachuu jaallachuun hojii gaarii nama jalaa balleessa. Sababni isaas, yommuu of dhaadatan na argaaf (riyaaf) hojii san hojjatu.

Kitaabban wabii:

[1] Tafsiiru Tahriir wa tanwiir-27/402-403

[2] Tafsiiru Muyassar-404

[3] Maâ€™aariju tafakkuri-15/297

Al-Akhlaaqul Islaamiyyati -2/546-550

Date Created

January 14, 2020

Author

admin